




~~G. H. H. S.~~ EX BIBLIOTH.
NATIONIS HUNGAR.
VITEBERG.
M-58. —
SIGNAT. clvcccxiii.







IN NOMINE JESU MICHAELIS!
 POTENTISSIMI JUBILÆORUM CONDITORIS,
 JUBILÆUM COELORUM,
 INPRIMIS ANGELORUM SANCTORUM,
 CONCILIUM,
 DECANUS,
 THEOLOGICÆ FACULTATIS,
 IN ACADEMIA WITTEBERGENSI,
D. JOHAN. Deutschmann/
 PROFESSOR ACADEMIÆ PRI-
 MARIUS, SUÆ FACULTATIS, ET UNIVER-
 SITATIS TOTIUS SENIOR, TEMPLI PRÆPOSITUS,
 ET ALUMNORUM ELECTORALIUM
 EPHORUS,
 IN MAGNO CHRISTIANORUM ANNO
 JUBILÆO SEPTIMO POST DECIMUM,
 LECTORIBUS UNIVERSIS, ET SINGULIS, CUM PRI-
 MIS PATRIBUS, HOSPITIBUS, ET CIVIBUS ACADEMICIS,
 EX JOBI I. & II.
 RELIGIOSE PUBLICAT,
 ET
 MAGNIFICUM DN. RECTOREM,
 ILLUSTRISSIMOS DNN. BARONES,
 UNIVERSITATIS PATRES ATQVE CIVES,
 AD ORATIONEM SOLENNEM,
 DIE IV. OCTOBR. RECITANDAM, SOLEMNITER INVITAT!

IN NOMINE JESU MICHAELIS,
SUPREMI CONCILIORUM
ANGELORUM JUBILANTIUM
PRÆSIDIS!



*Anc̄torum Angelorum Concilium se-
cretum Scriptura Sacræ Mysterium,
Spirituum Angelorum, tanquam
cœlestium Ministrorum, Doctorum
Synedrium, & admirabile Calorum
Jubilæum! Gloriosum hoc Angelorum
Bonotum Concilium jure dicitur
sacratum Pandectarum Mysterium.*

Nihil de tam *augusto Concilio* tradit *Natura*, quæ mundi potissimum *externi Circulis* includitur, & ultra *Supremum Calum naturale* nullatenus extenditur, dum *mundus Pbyiscus* totius *Naturæ sedes* dicitur, *Celi, terræq;* nomine communiter in *Verbo Veritatis* describitur, & exprimitur, atque *rerum naturalium exercitus* omnis ad hoc *domicilium* contrahitur. Jam vulgo notum, satisq; comperitum est, quod *Angelorū Cœtus*, ex ordinatione *Creatoris, sedem*, mundo visibili *superiorem*, obtineat, ultra *Pbyiscarum rerum, naturalium, & corporalium creaturarum* sortem ascendat, & mansionem, atque commorationem ulterio- rem exigat, unde communiter suam *habitationem, ordi- nationem, & conversationem*, in *Angelico calo* reperire dicuntur, & hinc *Angeli*, non mundi, sed *cali, sæpius* in *Sacris literis* appellantur. Et certe si nunc, post tenebras hu- manæ *corruptionis*, saltem *pauca*, satis etiam *infirma*, de *bonorum Angelorum, vel existentia, vel essentia*, de
pro-

proprietatibus & effectis, *Natura* non absq; labore magno,
 nec absque dubiis multis indagat, nihil tamen de *Bonorum*
Angelorum Concilio manifestat. In *Natura* proinde si-
 lentium de *Spirituum Caelestium Conciliis* altissimum. Nec
humana Ratio quicquam de talibus *Conciliis* vel novit, vel
 tradit. Vulgo dicitur à *Philosophis*: *Nihil est in intelle-*
ctu, quod non antea fuerit in sensu: quod *externi sensus*
 apprehendunt, ad *internos* deferunt, viribusque conjun-
 ctis *Rationis contemplationibus* offerunt. Sed *Angelorum*
Concilia sensus externos fugiunt, *internos* non attingunt,
 & ad *rationis naturalis*, qua talis est, & manet, *sacrarium*
 se demittere nolunt. *Officina rationis naturalis* est *spha-*
ra, *naturalis corporum mundanorum* cum *Autore* suo, per-
 petuoq; *Conservatore*, vel *Gubernatore*, quam *spharam ratio*
 sibi relicta transcendere nequit. Manet igitur hoc firmum,
 quod *Angelorum Concilia* sint *Scripturae solius Mysteria*:
 Namque *Scriptura Sacra* dicitur alias *Historia Historiarum*,
Historia Caelorum, & Terrarum, Historia superiorum, & in-
feriorum Creaturarum. Ut *Historiam Historiarum* etiam
Historiam Angelicorum Conciliorum prosequitur, ut *Histo-*
ria caelestium Incolarum, tanquam *Creaturarum, Cali Syne-*
dri, vel Concilia, complectitur. Angeli certe propter
Spiritualem Essentiam, actus puri sunt, atque *perpetui*,
 continuæ *praxeos & energias*, nullius *ignavia*, vel *negli-*
gentia, sed potius *incessabilis diligentia*, vel *expeditionis*,
 sicut hoc tempore canit *Ecclesia*: Sie seynen auch/ und
 schlaffen nicht/ ihr Fleiß ist ganz dahin gericht/ Wie sie/
 Herr Christe/ um dich seyn/ und um dein armes Häuf-
 felein: angeli summæ sunt *sapientie*, qua res omnes ex
 admirabilis *sapientie* suggestionem, vel *directionem*, velociter
 & feliciter expedire norunt, sicut iterum fatetur *Eccle-*
sia: Sie glänzen hell/ und leuchten klar/ und sehen dich
 ganz



ganz offenbare / Dein Stimm sie hören allezeit / und sind
voll göttlicher Weisheit : Angeli maximæ sunt virtutis,
ac potentia, voluntatis, & libertatis optimæ ; qua semper
volunt, & libere possunt omnia DEI commissa, omnia
nobis necessaria, potenter efficere, convenienterq; perfi-
cere. Propius autem nunc ad *Illustrissimum Sanctorum
Angelorum Concilium* accedere volumus, & præcunctis
aliis ipsum *Veritatis divine* Textum, tanquam *Angelici Con-
cilii fundamentum*; & præsentis *Tractationis* solennis ge-
nuinum argumentum, præmittimus. Sic autem *Jobi* 1. 6.
legimus: *Quadam autem die, cum venissent filii Dei, ut
assisterent coram Domino, affuit inter eos etiam Satan:*
Cui dixit Dominus: *Unde venis?* Qui respondens, ait:
Circumivi terram, & perambulavi eam. Dixitq; Dominus
ad eum: *Nunquid considerasti servum meum Job, quod
non sit ei similis in terra, homo simplex, & rectus, ac ti-
mens Deum, & recedens à malo?* Cui respondens Satan,
ait: *Nunquid Job frustra timet Deum? Nonne tu valla-
sti eum, ac domum ejus, universamq; substantiam ejus per
circuitum: operibus manuum ejus benedixisti, & possessio
ejus crevit in terra? Sed extende paululum manum tuam,
& tange cuncta, quæ possidet: nisi in faciem benedixerit
tibi.* Dixit ergo Dominus ad Satan: *Ecce, universa, quæ
habet, in manu tua sunt: tantum in eum non extendas
manum tuam.* Egressusq; est Satan à facie Domini. Si-
mile Concilium mox Cap. II. 1. sqq. iterata vice producitur,
cujus verba brevitate ergo producere nolumus. Ex colla-
tione locorum istorum innumera de *Synodis Cœlestibus*, obser-
vatu dignissima, notare possemus, sed hac vice nostras Medi-
tationes solennes ad *Jubilaum Spirituum Angelicorum Con-
cilium* tantum dirigimus. Occurrit nobis præ cunctis aliis
Existentia Concilii Cœlestis, quæ citra dubium est *divina
celse-*

celitudinis, & autoritatis, quia per ipsum Spiritum Sanctum, DEI Summi Principalem Scribam, P. XLV. 1. in authenticis Regni coelorum tabulis est consignata: divinae veritatis, cum hic Autor sit Spiritus veritatis, Joh. XIV. 17. c. XV. 26, c. XVI. 13. imo veritas ipsa, I. Johan. V. 6. & omne verbum ejus, sit verbum veritatis, omne scriptum, ejus, scriptum veritatis, Col. I. 5. II. Tim. III. 16. divina denique certitudinis, & firmitatis, cum in verbo DEI, quod est ὁ λόγος ὁ θεσβασόμενος, II. Pet. I. 19. qui lectores & auditores in omnibus tutos, atque securos reddit, Phil. III. 1. Sic itaque de Existencia talismodi Concilii dicitur nullo modo dubitandum. Et certe talibus Angelorum Conciliis sacer Codex abundat, sive Veteris, sive Novi Testamenti libros evolvamur. Primum Concilium est laudantium & exultantium Angelorum, in prima statim Creatione, cujus indicium quadantenus Moses Historicus facit Gen. II. 1. Sed Jobus clarius, & plenius illud introducit C. XXXIIX, 7. Alterum Concilium est Angelorum Cherubim, coram Janua Paradisi jacentium, Protoplastos peccatores avertentium, ipsum Paradisum instar castrorum cingentium, & custodientium, & conversos homines in officio pietatis, & obedientiae, retinentium, Gen. III. 24. Tertium Spirituum Caestium Concilium est Angelorum, Messiam Comitantium (cum visibilibus enim duobus comitibus citra dubium plures adfuerunt ex consuetudine, & promptitudine, caestium Ministrorum, invisibiles,) Abrahamum Patriarcham, & Lotum visitantium, & Sodomam atque reliquas Civitates justè vastantium, Gen. XIIX. 1. seq. XIX. 1. seq. Quartum Concilium est Angelorum sub Messia Principe peregrinantium, militantium, & homines pios in viis suis comitantium, & defendentium, Gen. XXXII. 1. ubi Jacobo Patriarchae Spiritus hi fuerunt, obviam duobus exercitibus, & Principem Militiae Jehovae secum ha-

buerant, qui gravissimam cum *Jacobo luctam* instituit, in qua tamen, licet cum *lesione famoris*, adversus omnipotentem *Colluctatorem*, *Gloriosam* in fide robusta *victoriam*, & inde *Nominis Israelis Victoriosam Gloriam* obtinuit, sicut ipse *Symmachus Heros* dixit: *Nequaquam appellabitur deinceps Nomen tuum Jacob, sed Israel, quia luctatus es cum DEO, & hominibus, & prevaluisti.* Plurima post hæc in *Sacris Pandectis Angelorum Concilia* narrantur, sed omnia nullatenus attingere licet. Unum, vel alterum saltem subjiciamus. *Illustre Sanctorum Angelorum Concilium Micha* Propheta vidit, *Achabi tempore* 1. Reg. XXII. 15. qui Regi magna cum *Parrhesia* dixit: *Audi Sermonem Domini: vidi Dominum, sedentem super solium suum, & OMNEM EXERCITUM CÆLI adstantem, & à dextris, & à sinistris.* Mox etiam additur, quod *Satan* in hoc quoque *Concilio* præsens fuerit, & licet ad *Concilium* minime, tanquam *pars Concilii*, vocatus fuerit, tamen ut *impudens Spiritus, instar partis Conciliaris*, verba fecerit, & ipsum *Concilii Præsidentem, DEUM* gloriosum, audacter allocutus sit: *Cum enim Dominus dixisset, quis persuadebit Ahab, Regem Israel, ut ascendat in Ramoth, Gilead, & ibidem cadat: & cum alius hoc, alius aliud protulisset, egressus est Spiritus coram Domino, & ait: ego faciam hoc: cui locutus est Dominus, in quo? & ille ait: egrediar, & ero spiritus mendax in ore omnium Prophetarum ejus. Et dixit Dominus: Decipies, & prevalebis: egredere, & fac ita.* Hoc *Concilium Jobao* vere collactum, dum *Satanas* & hic *Concilio Beatorum Angelorum* se satis impudenter immiscuit. *Notabile quoque Concilium* circa *Prophetam Eliseum*, & *famulum ejus*, *Sancti* celebrarunt *Angelis* in *circuitu Dothan* ubi cum *Syrorum Exercitus* circumdissent totam *Civitatem*, & hoc vidisset *minister Propheta*,
vehe-

vehementer turbatus est, & maxime timuit, exclamans:
Heu, Heu, Heu, Domine mi, quid faciemus? At illa respon-
dit: Noli timere, plures enim nobiscum sunt, quam cum
illis: cum igitur orasset Eliseus, dicens: Domine aperi ocu-
los pueri hujus, ut videat. Et aperuit Dominus oculos pueri,
& vidit: & ecce, Mons plenus equorum, & curruum igneo-
rum, in circuitu Elisei, propter magnum Concilium, vel com-
paritionem numerosam caelestium Angelorum, ceu poten-
tissimorum Promachorum, & excubitorum. Quales sunt An-
geli vigiles, & custodes, qui castra metantur circa timen-
tes Dominum, Ps. XXXIV. 8. Huc etiam pertinet Musicum,
& Theoreticum Concilium Sanctorum Seraphim in Esaia prophe-
tica Visione, Esa. VI. 1. ubi Seraphim suas Antiphonas insti-
tuerunt, & in Honorem DEI suum Trisagion cecinerunt,
alter ad alterum clamans: Sanctus, Sanctus, Sanctus, Domi-
nus DEUS Zebaoth, plena est omnis terra ejus Gloria. Plura
nunc ex Veteri, vel etiam ex Novo Testamento Concilia col-
ligere nolumus. Ex his enim, & aliis, Existencia Conciliorum
Angelicorum certissima videtur, & sic ad oculum patet, quod
Angolorum Mysticum Concilium sit Sacrarum literarum My-
sterium. Nunc etiam paucis annotabimus, quod hoc An-
golorum Concilium sit admirabile Coelorum Synedrium, dum
Angeli coram DEI Throno, vel in ejus circuitu convenisse
dicuntur, ita quidem ut vere Synedrium aliquod ma-
gnum sit celebratum. Est illud ratione Nominis & Omi-
nis verum Concilium, & in omnibus suis partibus, & acti-
bus, & aliis proprietatibus verum dicitur Concilium. Pra-
ses hujus Concilii non mundanus quidam Imperator, Rex,
aut Princeps, penes quem Majestatis, supremaeque Pote-
statis, jura resident. Inter haec Majestatis Axiomata quoque
suo jure nominatur, & numeratur jus omnium subdico-
rum, sicut ex Rom. XIII. 1. constat: Omnis anima potestatibus
supereminentibus subiecta sit: sicut omnis anima tenestris
pote.

potestatibus summis, vel Regibus, subdita manet in terris & regnis terrestribus; sic etiam omnis Spiritus Cælestis Regi Cælorum subditus vere dicitur, in cujus Nomine quilibet Angelus pro se res suas sigillatim expedire, consuevit, & ex cujus Voluntate vel Auctoritate, seu Potestate, quoq; Conventu conjunctim agunt, Concilia cogunt, & in his congregationibus res communes in consilium vocant, de medijs agendorum, vel deliberant, vel saltem cogitant, & ex beneplacito Superioris, vel conciliari conventionem, seu communicationem, feliciter omnes expeditiones administrant. Præses igitur in hoc Angelorum Concilio fuit ipse Jehova, Rex Regum, & Dominus Dominantium, Apoc. XVII. 14. Partes Concilii quoq; non incommode considerantur, ut inter has partes rursus Præses inveniatur, qui, tanquam Caput, ad totum Concilium omnino pertinere dicitur. Quatenus casualiter allegatur, & ut efficiens, tanquam Principium, notatur, vere Præses, Autor, & causa Concilii, vel ante, vel extra saltem, à priori concurrat, ita Regentis, & Præsidentis Personam adsumit; sed quatenus ut Membrum ingrediens, & ad intra constituens ad Essentiam Concilii pertinet, sic etiam Concilii pars appellari debet. Hæc citra dubium Primaria Pars est, & dicitur. Sed in Concilio pariter secundariae Partes, & Assessores, inveniuntur, qui velut Partes à Præsidente convocantur, Ipsimet in Concilio seu Capite subordinantur, & ad Conciliare Corpus ordinantur. Tales in Concilio nostro Jobæ dicuntur Angeli sancti, & Filii DEI nuncupantur, non quoad Filiationem Naturæ, vel Essentia sicut unigenitus DEI Filius saltem propter æternam Generationem Filius DEI salutatur, Psal. II, 7. Neque propter Filiationem Gratiæ, quæ postliminio saltem ex mera Misericordia, aut Gratiæ, numero Filiorum Dei fideles associat, & in Filios cooptat, etsi per se nec sint, nec esse possint Gratiæ Filii:

Filii: Sed quoad *Filiationem Potentie, seu Virtutis*, quia sunt *Filii Voluntatis, & potestatis*, dum consequuntur, vel externo, vel alieno jure Filiorum titulum, atque statum, eumque possidere dicuntur. Tales sunt *Angeli boni, Servi DEI*, qui *Reverentia, vel Obedientia* jure filiis conferuntur, qua de causa dicitur, quod die *quodam, ex Autoritate,* atque *Voluntate Presidis*, venerint, & ex debito, vel officio convenerint, ut tanquam apparitores coram *Domino* comparerent, & ad jussa exequenda, vel ministeria suscipienda, vel negotia diligenter expedienda, simul adfisterent, & à nutu *Conciliaris Capituli* penderent, ceu *Filii DEI, vel incolæ Cælorum*. Tandem etiam peregrini, vel externi, vel adversarii, sive rei, communiter à *Conciliis* non excluduntur, sed ad *Conciliarum* Conventus admittuntur, & sic etiam *Satan* inter *Filios DEI*, non ex *Voluntate Presidis*, nec ex *jure dignitatis, vel originis, instar Filii DEI*, nec ex respectu *Conciliaris Qualitatis*, aut ex *jure societatis, vel communionis studii, seu Voluntatis, & inclinationis, expeditionis, aut operationis, &c.* sed absque *jure competente, ex impudentissima* *Voluntate, seu voluntaria impudentia*, saltem *ADFUISSE* dicitur inter *Filios DEI*, citra *voluntatem Presidis, & convenientiam Membrorū, non instar partis, sed observatoris, exploratoris, accusatoris, obtreſtatoris, &c.* quas *partes, & artes omnes* adverſum innocentem, & inſontem *Jobum* audacter explevit, quod multis explicari poſſet, ſed id modo non conceditur. *Materia Concilii* vere dicitur *Practica*, quæ circa *Personas, Res, & Actiones*, occupata, ſicut hic agitur de *Jobi Persona, de Jobi Rebus, atq; Poſſeſſionibus, de Factis ejus, &c.* & de ſimilibus ſimile ferendū eſt *Judiciū*. *Forma Conciliarū* conſiſtit in *Conciliaribus Interrogationibus, Examinationibus, Reſponſionibus, Deciſionibus, &c.* *Finis* brevi-

B

ter



ter est divina Providentia circa creaturas, & earum conserva-
tionem, directionem, probationem, vel tentationem, afflictionem, &c.
Satis accurate sic ostenditur *Angelorum Synedrium*, vel
Concilium. Hoc tandem est verum Angelorum Jubilæum.
Nam Angelorum Concilium vere dicitur, & est Jubilæum,
quod *ratione DEI Concilium* est maximæ voluptatis, optimæ
felicitatis activæ, dum in conspectu, vel etiam coram fa-
cie DEI tale *Concilium* congregatur. Summa siquidem
Angelorum felicitas in *visione DEI beatifica* consistit, *Matt.*
XIX 10. *Ratione Christi*, quia de fidelibus in Messia po-
tissimum instituitur collatio, vel deliberatio, qualis *Jobus*
erat, vere fidelis, & in *Messia* perfectus cum *Abrahamo*,
Gen. XVII. 1. *Ratione sui Jubilæum* est, in eo *delectationem*,
& *exultationem*, Angeli consequuntur, quando vigiles, & custo-
des Electorum constituuntur, sicut hoc loco *Jobum*, & omnia,
quæ fuerunt ejus, ita custodierunt, ut Satan, ne quidem in
minimo, *Jobo* piissimo damnum inferre potuerit: respectu
ministerii, dum angelorum, ratione DEI, piorumque, mi-
nisterium est ipsorum Jubilæum, gaudio plenissimum:
ratione nostri, quia conciliare Jubilæum Angelorum in perpe-
tuum usum, & fructum, *fidelium* convertitur. Innumera pos-
semus adhuc afferre de hoc *Jubilæo Sanctorum Angelorum*
Concilio; sed hanc operam LAUDATISSIMUS SS.
THEOLOGICÆ CANDIDATUS, cujus causa præsentem
Expeditionem suscepimus, expediturus est, qui lectionum,
quas vocant, cursoriarum loco, Concilium hoc Angelorum
studiosæ, Juventuti pro ea, qua pollet, Eruditione, & dexteri-
tate, plenius exponet. Est IS VIR MAXIME REVEREN-
DUS, AMPLISSIMUS, ET EXCELLENTISSIMUS,
DN. JOHANNES AVENARIUS, PASTOR ECCLE-
SIÆ PLAVIENSIS, ET VICINARUM SUPERINTEN-
DENS

DENS MERITISSIMUS, AFFINIS, FAUTOR, ET IN
CHRISTO FRATER AMICISSIMUS, cujus *Vita Curricu-
lum, nobis oblatum*, ex more non infrequenti præmittimus.
Sic autem *Ipse* modeste *Gratie divina Dona* gratus apud se
deprædicat: Vitam meam, ut breviter exponam, scire licet,
die 24. Sept. 1653. in lucem me prodiisse *Zypsendorffii*, hone-
stis satum parentibus, Patre *Abrahamo Avenario*, Pastore
Zypsendorffensium in Citizenensi Episcopatu, ac Diœcesi,
dum vixit, vigilantissimo, & *Catbarinâ*, natâ *Metiâ*, Ma-
tre: Qui post privatas informationes undecimò ætatis
anno *Cizæ*, quasi alteri patriæ, me tradiderunt, ubi in
Gymnasio Episcopali ad decennium optimis imbutus li-
teris, doctrinæ sacræ junctis, moderatoribus, *Teloniô*, *Wal-
therô*, *Weissio*, *Weidmanno*, *Bartholomæi*, (Evergetâ non
minus, ac Præceptore meò, hęc æternum deprædican-
dò,) & *Vogelhauptiô*, singulis nunc beatis, ubi Musica me
orphanum, mortuo B. Parente anno 1666. aliquot aluit
annos: Donec pridie Non. Septembr. 1673. ad altiora
progressurus, Oratiunculâ latinâ, & Carmine Syr. Chald.
Ebr. Græc. Lat. Germ. Scholæ dixerim vale, ut loquitur
B. Dn. Joh. Vogelhauptii, tunc Rectoris, Programma pu-
blicum, à quò etiam Testimoniò non vulgari dotatus,
Wittebergam, Orthodoxiæ habitaculum, veni, Theologiæ
consecratus ab utero, receptus in Album Academicorum
à Rectore Magnif. Dn. D. *Wilb. Lysero*, Jur. Prof. celeberrimò:
Ibi, ut *Cizæ* trivialia triveram, sic *Leucoreæ*
Athenæ me Philo-Theosophiâ oblectabant, cum *Frenzelii*
Metaphysicis, Pneumaticis, Physicis, *Pasibæ* Logicis, Gno-
stologicis, Nonologicis, *Donati* Mathematicis, Logico-Me-
taphysico-Theologicis, *Röbrensee* Ethicis, Politicis, Oeco-
nomicis, *Hilligeri* Ogdoglotto orientali, cæterisque Colle-
giis lectoriis, disputatoriis, privatis, & privatissimis, inter-
essem,

essem, attamen Dominam Theologiam servabus his
præoptarem, indeque Magnos. quos ista ætas ferebat,
Theologos, *Calovium, Meisnerum, Quenstedium, Deutsch-*
mannum, Pomarium, ò quæ lumina! disputantes, præle-
gentes, audirem, ex quibus etiam Magnif. Dn. D. *Deutsch-*
mannum adhuc, utinam diu! saluti Ecclesiæ Christianæ
superstitem, mihi Præsidem eligebam Disputationis meæ
Philologico-Theologicæ de *Mendis Scripturæ S. V. & N. T.*
adnexâ Loci Matth. 27. 9. breviori illustratione ad 7. Id.
Mart. 1675. in Auditorio Theol. habitæ: Quò specimine
publicè edito iterum iterumque invitatus, invitus pri-
mùm *Magisterii* Philosophici adeptus Gradum, Leucorææ
ad 5. Cal. Maj. illius anni Rectore Magnif. Dn. D. *Job. Andr.*
Quenstedio, Theologo, à Decano Spectab. Dn. *Baltb. Stol-*
bergio, Græc. Lit. P. P. infulatus, ita discedebam Lipsiam.
Lipsiam dico, Coronam Germanarum urbium, Studioso-
rum pauperum nutricem, Theatrum, imò sedem omnium
bonarum artium, & virtutum: Hic commoratus ad
duodecimum ferè annum, beneficiis ornatus quàm plu-
rimis, maximis, Theologica tractavi, tum discendo, tum
docendo, ad pedes *Scherzeri, Rappolti, Carpzovii, Leb-*
manni, Mæbii, Olearii, Alberti, Pfeifferi, jam publicè, jam
privatim, jam privatissime, in Didacticis, Polemicis, Exe-
geticis, Homileticis, auscultavi, opposui, respondi, me ex-
ercui. Præcipue vero, post reditum meum ab Almâ
Jenensi, quò me pestilitas funesta ad semestre abegerat,
quinquennium in Academiis felicissimum, per Dei gra-
tiam, Lipsiaca tempe mihi perfecerunt in Ædibus beni-
gnissimi *Conradi*, ò cœlum fac, æternis huic Beato retri-
buatur gaudiis, Ipsiusque posteris millies his perfruantur!
Factum est tunc temporis, ut Reverendiss. Facultas Theol.
ibidem

ibidem, collatò d. 28. April. 1682. primò gradu, quem *Baccalaureatum* vocant, copiam mihi faceret, non modo Theologica privatim profitendi in Collegiis publicè intimatis, Exegeticis, Theticis, Polemicis, Homileticis, cum practicis, tum lectoriis, sed & sequentis anni diebus canicularibus, in Acroateriò Theol. Controversiam de *Visione Dei Oculari in vitâ aternâ*, publicis prælectionibus tractandi fusiùs, quibus peractis *convertendi* quoque & ex Papisticis tenebris reducendi, informationi meæ traditi sunt non uni, adeoque Catechetica simul, & Acroamatica cum Homileticis, nec minus Humaniora, atque Philosophica cum Orientalibus diligenter instillavi. Annus effluentis hujus seculi *octogesimus sextus* fatalis mihi videbatur, quò divina pronœa ad Sacrum ministerium me provehi volebat, quando ipsis Calendis Januarii *Magdeburgum* ingressus, ad Pietate eximiâ, & Asceticâ Theologicâ præstantissimum Theologum, B. Dn. *Scriberum*, ab ipso quidem per literas citra meritum invitatus humanissimè, & veni, & exceptus benignissimè è suggestu ipsius ad D. Jacobi, Dom. post Circumcisionem Christi matutinam concionem, ei non ingratham, habui, qui mentem postea suam aperuit de Promotione ad Pastoratum, atque Inspectionem, me adhuc celandâ, cui vero præter opinionem interveniebat B. Gamalielis mei, *Carpzovii* cura, revocantis me subito Lipsiam ad *δομιμαστικὴν* coram Perillustri Comite, qui ad Conciones Aulicas me vocaturus erat, ni Conjunctissimi mei itinera tot, tantaque molestissima, dissuadendo obfuisent, ac brevi post Serenissimus noster Dux *Mauritius Wilhelmus* ad *Diaconatum* Cizensem ad D. Mich. gratiosissimè me cooptare, & ubi Procerum Lipsiensium quidam interea de Torgaviensi Archi-

Diaconatu mihi prospicere fategerat, non sine spe electionis, ego etiam publicè d. 18. Maj. Præside B. Dn. D. *Job. Bened. Carpzovio*, in Disput. 2. Anti-Jesuit. de *Religione*, contra Henr. Kircherum, Respondentis egeram partes, legitimè post Examen publicum vocare voluisset: Quæ vocatio, die 30. Aug. 1686. adscripta, à nemine non divinissima est credita, ex verbis notatu dignissimis, ac plane singularibus, in eâ contentis, de quò gavisus confusus Deo, non habitâ proventuum tenuitatis ratione, post Ordinationem, atque Confirmationem, istud sacrum munus à die 17. Octobr. dicti anni, quâ devotè aggressus sum, infra biennium pro viribus, iisque à gratiâ Dei concessis, fideliter gessi: Uti nec minori postmodum curâ functus officio *Pastoris*, cùm gregi me suo ad D. Nicolai, in eâdem Patria, Christus præesse jusserat, mediante quidem *Illustris Helderffii*, Cancellarii Ducalis, Vocatione d. 25. Jun. 1688. Quam functionem Pastoralem non prius, quàm ipsam vitam, me finituum esse persuasus, annò jam undecimò locum sepulturæ deligebam in ipsis ædibus sacris, Nicolao olim dicatis; Ast, nondum dilapsò biduò, Indulgentissimi Patris Patriæ rursus annunciabatur voluntas de *Ephoriâ Plaviensi*, mihi committendâ constantissima, gratiosissima, quam obsequentissime sequi, cum Serenitas illa ante sexennium me ad Ephoriam Schleusingensem designaverit, persuadebat is, qui Serenissimo est à Consiliis intimis, & Salarium ut duplò à Munificentissimo Principe augetur, mihi ad gratias immortales benignissimè effecit: Undique divini nutûs claritas se ingerebat oculis, quandoquidem etiam *Senatus Plaviensium* Nobilissimus, Patronus Ecclesiæ hujus providissimus, *Pastorem* me ante elegerat, quàm mihi persuaseram, significabat id
per


per literas, vocabat post dokimasticam d. 22. Febr. 1697.
unde confirmatus Lipsiæ, nomine ac jussu Reverendiss.
Sereniss. Ducis Sax. *Mauritii Wilhelmi*, huc Plaviam ac-
cessi d. 23. Mart. 1697. mandatamque Prævinciam suscepi,
quartò jam annò, sit laus divinæ gratiæ benedicenti, au-
xiliatrici, feliciter administratam! Mirificam *beneficio-*
rum, charitatumque abundantiam, quibus & Ciza, & Plavia,
inter se certantes me sunt complexæ, silentio præter-
mitto, *Matrimonium* transeo, & prole, & sole oblectatio-
nis exoptatissimum, cum *Ludovicia Magdalena Dorothea*,
B. Dn. *Mich. Christiani Ludovici*, Serenissimo Duci Saxo-
Numburgensi, à Consiliis Ecclesiast. Concionibus Aul. &
Confessionibus, ac Superint. Episcop. celebratissimi, lectis-
simâ filiâ d. 15. Novembr. 1687. initum, ubi duo Duces
Saxon. Sereniss. cum plurimis altiore dignitate spectatis-
simis Viris, me ad aram, Copulationi sacratam, sunt co-
mitati! Laudes, atque honores, prætereo lubens, ne nu-
merum expleturus videar eorum, quos gloria vexat ina-
nis: Id tamen tacitum non relinquam, à puero me sa-
cris amoris ignibus in Studium Theologicum flagrasse
ex cinere Avorum, dubio procul, à Vento sanctissimo sus-
flatis, usque adeò à me magni habitis, ut, si *Curiones Ro-*
manorum tres Oratores fuisse, Plinio non sine laude di-
citur, vel *Polycratis* non exiguæ felicitatis in partem de-
putat Eusebius, quod septem suorum *συστηνών* ex Ruffini
versione Parentum habuerit Episcopos, me quoque feli-
cem existimaverim, quod Parens *Abrabamus*, Zypsen-
dorffii, Avus *Zacharias*, Cancellarii frater *Melusa*,
Proavus *Jeremias*, Ostræ, Abavus *Jobannes*, Doctor &
Professor Theol. Wittebergæ, post Superintendens Cizæ,
Deo Theologi servierint munere sacratissimo: Utique
Do-

Domine, & Ego sum servus tuus, ego sum servus tuus, filius ancillæ tuæ indignissimus, beneficiis tuis, Tibi sacrificabo sacrificium laudis, & nomen Domini prædicabo in atriis domus ejus, in medio Jerusalem, Hallelujah, Amen! Psalm. 116. 16. seqq. Hæc Vita, hæc fortuna, hæc DEI Gratia, & Evlogia, Meritissimo Dn. Candidato Nostro Viro cælitus benedicto, gratiosissime concessa! Nam ubi divina conspicitur benedictio, ibi rerum optime gestarum præcedit laudabilis contentio, dum virtus, & præclara facta post se divinam trahunt benedictionem! Fulgent in Meritissimo Nostro Candidato præclara merita, tum Academiæ, tum Ecclesiarum, & plurimis ejus Vita Meritis adhuc exornatur: Gaudet in maximis ejus meritis Cætus fidelium Christianorum, utilissimam adhuc ædificationem in laboribus Ipsius, Animæ piorum expectant! Gratulamur Ecclesiæ de tanta Gratia divinæ virtute! Gratulor Academiæ Nostræ de tam insigni Candidato! Gratulor, & Ipsi de maximo benedictionis Thesaurò, omni commendatione digno! Gratulor in hoc Jubileo mihi quoque de tanto Candidato, meritis multis jam clarissimo! Patrociniò certè, Gratiaq; SERENISSIMORUM PRINCIPUM, & favore Bonorum omnium dignissimus. Uno verbo: Principibus placuisse Viris non ultima laus est! Hac de causa, Nominè Venerandi Collegii Theologici, MAGNIFICUM DN. RECTOREM, ILLUSTRISSIMOS BARONES, Omnes Academia Proceres, & Cives, in crastinum ad Solennem Ejus Orationem, Hora IX, Matutina, reverenter & amice rogatos, præsentibus invito, P. P. DOM. XVII. post Trinit. Anno M DCC.

WITTEBERGÆ,
Literis CHRISTIANI SCHROEDTERI, Acad. Typ.

DA 0007-178





Ung. VI 58 (11)

ULB Halle

3

002 686 287



56,

VD 17
Sep. 2000 Pd.





IN NOMINE JESU MICHAELIS!
 POTENTISSIMI JUBILÆORUM CONDITORIS,
 JUBILÆUM COELORUM,
 INPRIMIS ANGELORUM SANCTORUM,
 CONCILIUM,
 DECANUS,
 THEOLOGICÆ FACULTATIS,
 IN ACADEMIA WITTEBERGENSI,
 D. JOHAN. Deutschmann/
 PROFESSOR ACADEMIÆ PRI-
 MARIUS, SUÆ FACULTATIS, ET UNIVER-
 SITATIS TOTIUS SENIOR, TEMPLI PRÆPOSITUS,
 ET ALUMNORUM ELECTORALIUM
 EPHORUS,
 IN MAGNO CHRISTIANORUM ANNO
 JUBILÆO SEPTIMO POST DECIMUM,
 LECTORIBUS UNIVERSIS, ET SINGULIS, CUM PRI-
 MIS PATRIBUS, HOSPITIBUS, ET CIVIBUS ACADEMICIS,
 EX JOBI I. & II.
 RELIGIOSE PUBLICAT,
 ET
 MAGNIFICUM DN. RECTOREM,
 ILLUSTRISSIMOS DNN. BARONES,
 UNIVERSITATIS PATRES ATQVE CIVES,
 AD ORATIONEM SOLENNEM,
 DIE IV. OCTOBR. RECITANDAM, SOLEMNITER INVITAT!

